

永樂大典

卷二千二百六十
二

永樂大典卷之二千二百六十二

六模

湖

東湖

台州東湖赤城志東湖在台州府崇和門外三十步初為缸場水軍營蓋端拱二年張守蔚所建也景祐中遣使既少連廢缸場

歸溫明二州嘉祐中徐守億徙水軍營入城熙寧四年錢守煊始開為湖時方壘石脩城以水至深溢故鑿湖以受眾水且以其土隄城之東絕後患焉紹興二十年蕭守振載加脩闕乾道五年尚守均復披故道初城闕斗門上覆以亭又即故斗門築三閘以通江淳熙十一年江守乙祖亦復脩焉度其地凡一萬六千步中有堂曰共樂堂之前有亭曰流盃皆址于湖心錢守所立水光山色涵映虛曠為春夏行樂之冠慶元三年劉守坦之易名知樂人止稱共樂也 跋遊東湖記四明佳山水而東湖特專其勝余儂比邑念一遊未遂也一日天台朱君伯賢訪余藍谿上出示遊東湖諸山五記以極登臨覽觀之感而湖山泉石獻奇於烟雲香霭間千態萬狀與夫琳宮梵刹靈蹤秘蹟歷歷模寫隱顯弗遺余得盡讀之而東湖

永樂大典卷之二千二百六十二

一

之勝宛在肩背若可冥交而默契者殆與愚漢鈞錡潭諸記馳騁後先宜無愧也若其造物遣情達生順命抑又過之古今高人韻士往往適趣山水以摠幽發粹蓋將託遊觀以養視聽也君尚友古人清才健筆若此則所養可知矣暇日追勝踐以酬夙昔之懷則是記有足徵者至正壬寅夏四月鎮陽張守正識 予嘗泝洞庭至衡嶽矣顧未適永柳之郊讀柳子遊山水記永柳不遺吾睫會稽四明佳山水予嘗遊焉輒晨出夕返慨不能熟覽其勝以發奇氣殆今未愜也請天台朱君伯賢遊雲門東湖諸記服其善叙山川形勝遊覽意態宛若圖畫後之能圖者藉不即其地按書築可圖矣豈不偉哉然柳子記永柳山水非其形勝可圖也柳子被黜姑托物以寓情耳朱君以韋布遊名山川心與境會意與趣適故其詞氣清逸者非柳子之不得於物者比也因書于記後善評是記者必不以予言為非是枯蒼王廡識 山水林泉之勝必有待夫騷人墨客之品題賦詠而後顯聞若匡廬見於太白之詩天台見於興公之賦而武夷九曲見於朱紫陽之權歌也蓋其勝處多在深僻遐曠寂寞之濱非得好事者杖履之追遊舳輪之賞讓則夫仙蹤佛跡巨靈幽秘亦何由而得傳聞於世耶凡游覽之士又皆即其清淑之氣蘊於胸中者感發而形諸言則其遊也

為不徒行矣。四明佳山水。東湖為最。七山之僧坊。道窟兩湖之風烟。月露前人之宴。環廢迹。游覽感慨。往往有人。而未有如吾友伯賢。吾姪元法。吾門宗器之。唱和成帙。其記峯巒林薄之尤美。朝暮止宿之幽。則又加詳焉。雖有不暇至者。覽之思過半矣。余亦好游者。故披閱而序之。羽庭劉仁本書。台州府志江泌詩。臨海東城湖。氣象清且奇。無風綠色淨。十頃澄琉璃。宋趙清獻公詩。過台州。公。中頂廣軒。逢抄林。萬家雲屋接丹丘。主人欲盡行人樂。更向東湖共泛舟。漳州東湖清漳志。東湖在漳州城東。朝天門外。居水餘千畝。下通于河。溪流入焉。並湖之田。歲入以萬計。灌溉資之。紹興間。湖以旱涸。至有請湖為田者。守劉才邵。俾林安宅。復民所請者。歸于公。湖河置閘。又沿湖築斗門。以時啓閉焉。有新開閘記。乾道元年。詔郡國脩水利。守何侑。蠲民所佃魚蓮錢。以其土聚為十洲。脩斗門四。又於下流復斗門之廢者三。嘉定五年。倖林潛。安宅猶子也。謀復舊迹。會守趙汝諧。莊夏相繼脩水利。因故河閘而新之。縣是湖水可入。湖水不可泄。又於湖之傍。濬為渠道。閘五大。深一丈有半。又以東崗一處。舊無斗門。蓋以居民連比。渠道不通。因得民陳濟家空地。官掘之。完渠穿路。築新斗門。通舊為十二。有記詳也。古元志。自是而後。湖之堙者。猶故。淳祐

永樂大典卷三十二頁十一

二

壬寅守黃朴。囑寓公揚士復。孫敏學。後益深。築益密。而沿湖一帶田。得灌溉之利矣。湖亭有諸名公題詠。獨知龍溪縣林迪一絕。推明農田水利之本意。詩云。萬頃閑田占得多。平堤澆溉接東坡。流波散施連阡陌。餘事猶堪長芰荷。清漳集提舉劉棠同太守遊東湖。元元塵編。日自迷。惟來春色轉芳菲。吹噓氣象湖山遠。點綴工夫草木微。擎盃不辭傾美酒。揮戈寧解住殘暉。身閑官冷何欣幸。秉燭長隨五馬歸。知州郭祥正題阮希東湖。東湖北。漱水相通。十里荷花半白紅。冷艷已能消酷暑。暗香時復散清風。欲眠別浦無漁艇。且倚疎欄學釣翁。雲起仙庭飛晚雨。酒然塵世出樊籠。又和君儀。海邊邂逅禁烟時。邊勝携壺不可遲。日射山光如琥珀。水涵天影似琉璃。鶯隨柳絮翻羅幕。人並桃花映竹籬。却憶綠槐陰下路。曾尋宮葉為題詩。知縣林迪。聞伯育承事結絲舟。作樂遊東湖。戲寄四韻。湖波測測浸殘春。東郭閑筵迥不群。聞結絲舟撐碧落。更携蕭鼓度青雲。自憐玉海終無敵。却憶瓊漿意未分。伯育。有與君分兩石之語。味履難陪空悵望。且憑詩句張吾軍。又前韻。東陳君義欲傳聞。雕鴉鷺。風果逸群。青竹題詩才倚馬。畫船鼓氣凌雲。賞心自向明時得。樂事應容下客分。敵飲會須醜玉海。肯河決勝看齊軍。知縣林迪東

永樂大典

卷二二二六二

湖。門巷深深過客稀。杖藜閑坐釣魚磯。醉來一枕華香夢。肯校人間是與非。崎嶇世路苦風波。物外逍遙得趣多。門掩夕陽新睡覺。數聲時度米菱歌。林梢乍過黃梅雨。湖面閑來白晝風。六月遊人不知暑。恍驚身在水晶宮。一曲清歌酒一觴。幅巾林下興何長。沙鷗似覺忘機久。時引新雛過短牆。高下人家繞郡城。隔湖遙認笑談聲。黃庭閑罷無餘事。却倚朱欄看月生。採蓮遊女惟輕衣。爭弄蘭舟一葉飛。過盡綠荷人不見。夜深時帶月明歸。詩壇碁戰兩無雙。分得壺中日月長。只恐明時搜隱逸。不容高蹈老滄浪。又題阮希聖東湖十絕。群山高下沒湖濤。暝靄朝霞物物新。驛道更穿東北去。青銅影裏看行人。東湖水似鑑湖明。紅白蓮花自在生。祇有香風吹客坐。更無煩暑到簷楹。軒窗特地向湖開。要客登臨共一杯。白鳥探魚常不去。清風吹水等閑來。一軒正在碧湖傍。蓮子枯時苻菜香。最愛夜深鷗鷺散。釣舡明月似瀟湘。門外青山几按橫。卷簾幽坐少逢迎。一鉤香餌看魚上。萬頃金波待月生。一湖綠水富寬靜。百里青山卷箔開。只恐夕陽催客去。不妨幽鳥趁人來。一炷沉烟一按書。恰君重葺紫雲居。漢山朝暮能新美。世事塵緣併掃除。鋤去蒿萊地勢平。開軒瀟灑傲東城。湖山變盡朝昏景。只欠青猿一兩聲。誰

永樂大典卷二千二百六十二

知城郭有山林。選勝營居遠壯心。一片遠烟添暮色。數聲歸鳥變春音。仙亭射的聞崔嵬。紫翠飄飄落酒杯。更待春陰須一住。要看雷雨過湖來。劉浚詩。目前題四面溪山列畫屏。一堂新初有餘清。湖光隔斷紅塵路。疑在金鼈頂上行。輪蹄白日競匆匆。誰向閑中靜養蒙。珍重先生高卧處。一窻黃卷是家風。兩堤楊柳先春綠。十里芙蓉入夏香。自得湖山供嘯傲。會稽何獨羨知章。福州東湖元一統志。東湖舊記在福州東北。周回二十三里。晉嚴高築城。日與西湖同時開鑿。今漸湮塞。為民田。慶曆中作記。只曰漸湮塞。是猶有湖也。元和郡縣志云。在閩縣北三里。泉州東湖清源志。東湖在泉州晉江縣城東一里許。舊溉民田九千五百餘畝。莫知開濬年月名氏。於郡境諸湖為最大。當薛播為守時。已嘗設醴於東湖。以待歐陽詹。時趙昌未開尚書塘。後莫對壘塞。幾成平陸。慶元六年春正月。守劉公穎始以錢米開十五禪寺。使募工開濬。助以壯城。卒摠一萬四千七百三十五丈。冬復開濬一萬四千三百四十丈。有奇。每丈各深四尺。積其泥為五山。於湖中。即西南隅置斗門四所。以通潮。因以為放生池。歲久浸廢。豪民勢家規請為田。淳祐三年。守顏公順仲按故蹟。仍畀僧寺濬之。始於附郭。不足則均之旁近。以及遠。各視產高下。率以產錢千。賦從

七丈。使集傭夫官酬其直。凡浚五萬五千餘丈。積土為三山。中創二橋。後豐澤斗門置水利局。命僧司之。湖有公亭。唐貞元九年。守席公相。別駕姜公公輔。嘗遊州。人請於縣尹為立亭。歐陽詹記。後人併歐陽宴東湖序。刻于石。今存。面湖有亭曰清源勝境。又有思波亭。在班春亭後。慶元五年。劉公建舊有豐澤湖光。聚星。綠野等亭。今皆廢。顏公既浚湖。修三亭。改勝境曰勝榮。顏公復創二亭。曰涵虛。澄碧。今澄碧亦廢。涵虛民以為公生祠。曹勛松隱集。次韻李漢老參政重陽前游泉州東湖。郊亭十里繞風猗。一鑑光涵萬象微。勝址幾年因事廢。遺芳今日識公歸。鳳山前直供晨翠。綠海旁連漲夕暉。少並江湖魚釣樂。綠葉青笠鯉魚肥。豫章東湖豫章志。東湖在郡東南周廣五里。鄒元云。東湖十里一百二十六步。北與城齊。起折至南塘。本通大江。增減與江水同。漢永平中。太守張射築堤。以通南路。謂之南塘。以儲水。冬夏不增減。水至清深。魚甚肥美。每夏月。以水泛溢。塘而過。居民多被水害。宋景元年。太守蔡興宗於大塘上更築小塘。以節水。為水門。水盛則閉之。多則洩之。自此水患少息矣。唐貞元二年。都督張廷珪奏。改曰放生池。而立碑焉。五年。江水踰塘一丈。觀察使李巽。躬率吏民。以上囊固護。立碑以誌其事。碑既亡。九年。觀察使齊映。復加修築。元和三年。

永樂大典卷三千二百六十一

四

刺史韋丹。復建南塘斗門。以洩暴漲。逸湖築堤。高五尺。長十二里。明年江與堤平。無復水害。元和十三年。道州刺史韓衢作東州亭記。宣宗時。塘東有三亭。曰孺子。曰碧波。曰涵虛。乾符中。因亂。悉廢。今復葺。豫章續志。開浚東湖。嘉定庚午。湖水汎溢。為患甚於他時。明年春。郡別駕豐有浚深。軫民病。請於權府計使胡公。議所以開浚之。胡公然其請。且就委任之。於是大集土工。并畫棋布。衆力並舉。不踰月而辦。先是湖既湮塞。並湖居者。盡以厨廁侵逼入湖。汙穢狼藉。不堪舉目。豐公親按圖籍。開諭拆除。豪家巨姓不得免。於是浚治增築。湖既泓深。隄亦堅固。沿隄上下。植以萬柳。繞湖周遭。通以行路。樓觀園圃。左右映帶。四時遊觀。車蓋相望。遂為江右勝蹟。不但免居民滄浸之患而已。尚慮後人吝費。無能嗣而葺之者。復創修湖司。撥官田若干畝。專莊俸廳。收積歲租。以備浚湖之用。輿地紀勝。東湖在隆興府。宋景平中。太守宋興宗更築小塘。書地理志云。元和三年。刺史韋丹。開斗門。雷次宗豫章記云。水清至潔。而衆鱗肥美。又南豐徐孺子祠堂記云。南昌城西。有孺子墓。小洲上。有孺子宅。郭祥正洪州絕句。東湖入望晚波平。蒲葉圓荷各自青。不用更尋徐孺宅。編茅楮竹一碑亭。張曲江集。臨之東湖。時仕洪州。郡庭日休暇。湖曲邀勝踐。樂職在中和。盧

心挹上善。乘流坐清曠。舉目眺悠緬。林與西山重。雲因北風卷。晶明盡不
遠。雲彩鏡無辨。晚秀復芬敷。秋光更遶街。萬族紛可佳。一遊豈能展。羈孤
忝邦牧。顧已非時選。良公世不容。長孺心亦編。永念出籠繫。常思退渡蹇。
歲阻風露嚴。日恐蘭若翦。佳辰不可得。良會何其鮮。龍興還江域。閉關聊
自遣。宋戴石屏集。豫章水湖。亭亭綠荷葉。密密草清波。為見湖光小。却
嫌荷葉多。未晦菴大全集。自東湖至州。湖得二小詩。孺子高風何處尋。東
湖臺觀水雲深。生島一東人如玉。此日淒涼萬古心。昨日來時萬坐陰。
長江雪後玉千岑。蒼茫不盡登臨意。重對晴天豁晚襟。趙蕃淳熙。葉生。思
東湖二首。憶昨追涼孺子亭。再來荷柳競凋零。試當止水憑欄看。我亦殊
髯白數莖。牧車羸服豫章城。幾向東湖得細行。不但屢來人似識。白鷗
相慣亦忘驚。陳傑詩。東湖重遊如隔世。露雨暗池臺。蓬島又淺水。昆明幾
却成。蒼鵝飛底去。白鷗集何來。萬古南州土。荒祠一造哀。黃裳演山集。宴
瓊林。東湖春日。適暖間俄寒。妙用向園林。難問春意。萬般聲與色。自聞雷
便作浮華人世。紅嬌翠軟。誰頓悟天機。此理似韶容可駐。無人會。且忘言
閒醉。當度仙家長日。向人間。閒看佳麗。念遠處有東風在夢。悠悠往事
桃溪近。幽香遠。謾凝望。落花流水。桂花中。珠珮隨軒去。還從賣花市。

永樂大典卷二千二百六十一

袁州東湖宜春志。東湖在袁州東城小三十步。至和二年。郡守祖無擇始
於湖上建臺榭。為遊觀之所。有樂遊堂。廉堂。讓堂。休亭。消暑亭。風亭。月臺。
米香閣。米珠閣。北有射棚。南有盧石讓亭。以避濮安懿王諱。易為遊。紹聖
中。郡守易廉堂為閱武堂。以為教場。又以盧石在遊堂之前。易名盧石堂。
淳熙五年。張公孫知州事。南軒先生杖過之。為書東湖扁榜。且易盧石堂
為介亭。仍題字榜側。介亭之石。本盧肇家故物也。挺然特立。望之有以照
在斯。淳熙元年。郡守黃邵再修。易休亭為平易堂。米香閣為浮陰消暑亭。風
亭皆廢。而為圓通菴。令僧任掃洒之責。庵傍創仁知軒。開禧中。郡守羅克
開重修。祖黃二守皆有記。歲久湖淺涸。鞠為園蔬。蕪穢不治。嘉定十三年。
郡守滕強起。始命開築植以芙蕖。恨未能頓還舊觀也。祖龍學集。袁州東
湖記。袁城之東有湖焉。上有四亭。興自近歲。厥後為州者。堯昏不事事。
湖亭用不治以荒。初予至州。目其處。不及往者三月。既而吏曹務簡。登城
而觀。水盈而甚汚。屋雖存而將傾。題議葺之。且官無羨財。苟賦於民。則予
不為也。閩封內之浮屠氏多藏者。籍其餘什之一。募匠購材。一皆新之。別
為堂亭臺閣五。植以珍木嘉果。間以奇卉幽草。紅蕖綠荷。雜葦波上。於是

遊者日往焉。予樂州人之觀遊是好。遂署其中堂曰樂遊。其東堂曰廉循。屋之南其亭曰休。因城之高其臺曰月。杭水而樹曰米香閣。馬庖厨二。以供賓客。舊亭曰皆無名亦名之。在樂遊之西者曰。遊堂。堂北有射棚。南有石高丈餘。奇秀可愛。實自盧肇故宅徙焉。背城而東向者曰。米珠閣。閣後有石。亦惟舊廉與遊。米香米珠。皆東西相值。據城之隅者曰。消暑亭。與月臺相屬。而差小者曰。風亭。其下有航。其絕有梁。其登有磴道。其周有綠墻。南北其門。後溪前市。山煙水風。淵魚林鳥。明滅虛徐。浮沉下上。眺聽之際。可以釋幽鬱。可以道和粹。予以公事不得數自放於其間。月或一至。再至。蓋希矣。予猶以為數也。越二年。新太守在道。予行有日矣。因置酒為會。同僚舉觴屬予曰。湖亭雖舊。而增廣之以至大備者。非君而誰。不可以不聞於後。蓋文而刻諸金石乎。予曰。池館之作。耳目之娛。非政之急。何足道哉。然此州。自江以西最為窮處。故朝廷往往以有罪者居之。予即其人也。或終年不達。王人出於其塗。非數君子相與樂此。予何以久處乎。後之踵予武者。其以才選而來。厥職是宜。政成民和。能無燕嬉之事歟。若以事竣而來。又宜有登覽之美。庶幾忘遠謫之累焉。辭是而言。則茲境也。當不廢矣。奚取於予文。如欲謹其歲時。請以斯言刻之。至和二年冬十一月一日。范

永樂大典卷二千二百六十三

六

陽祖無擇記。宜春志黃劭重修東湖記。凡官事創於臆。與設而弗治。其差等耳。詰訓州。珠也。珠別於此。綏之齊之。抑思所以悅之。與悅之也者。其使由而弗知也。故國有園。都有園。園與國云者。默焉乎寓。豈徒為是將觀已。宜春東湖尚矣。至和中。已蕪沒。祖君來一營之。其別今歷歷然。而興且廢。其故不可考。願仆決蝕。存者無幾。豈為政者不亟。是其力有不給。而物之情循環然耶。唯其地靈而天成之。萬象昭融。固自若也。余始至異焉。暇日一往。豁然心目。是胥樂之地。昔人既闕之矣。余弗力。其往而不復與。大之以無事。始及郡丞議。加葺焉。乃椽乃支。乃牆乃其。其不可缺而新之者。不與也。之介之樂游。東西湖兩翼。盡湖之趣焉。之月臺。勝觀也。名以語局。曰熙聲。同民志也。表以門扁。增舊堵為堂三間。梁隙以行。亭其上。堂曰平易。便觀納也。亭曰浮蔭。知魚之樂乎。其北俯秀江。直袁山。為軒焉。曰仁知。靜以觀動也。孰汎掃之。新築所由立也。錙銖之費。不以厲民。官所役卑。亦列廩之。民知余之相之也。觀者闐溢。忻然一辭。或物莫其美。若或新之。二華。九疑。七澤。三相。峭崿。因浩。旁連坤軸。得而私焉者。否也。彼窮土木者。流丹散藻。薨棟驚飛。類權于闌墻之外。無睹也。今而開拓。宛然。迫而不驚。逝無劫焉。環江山之秀。萃乎一覽。曰。波池臺榭。度宇梁登之屬。靡不具。而水

永樂大典

卷二二二六二

石林林魚鳥菰蒲之樂。凡而生聚優游其中。皆得而共之矣。跡之所登。實僅有之。說而忽諸。可乎哉。余既以餘力新之矣。新而救。復何裨焉。惟來者知其故。毋隳其舊。民其迄熙熙然矣。豈無所助云。紹熙元年二月十八日起工。十二月朔記。王雲東湖詩。湖景甲東城。亭臺相照清。地分春色早。波動日華生。絕勝新園展。涵虛古鑑明。綠楊煙岸側。風約釣舟橫。三月前頭二月天。湖亭堆絕富韶妍。石形卓切虎蹲岸。橋影浸波龍卧淵。向鮮明花曝錦。隨風零亂柳飛綿。春來此地堪行樂。誰共賞心張雅筵。祖龍學集李素伯題東州東湖呈龍學。萬象城東雅入詩。半湖雲霧卷殘禪。老龍惜雨慵離蟄。幽鷺逢人慣不飛。岸僻自宜安釣石。水清誰礙濯塵衣。使君公退使遊此。却恐吾皇急詔歸。再呈。郡藏好景有東湖。誰道蓬萊遠無路。水底芙蓉漫托根。爭如岸上甘棠樹。客來坐見碧波中。魚跳潑刺頰尾露。下釣不及呂尚賢。明月清風又歸去。饒州東湖饒州府志。東湖在饒州。一名督軍湖。湖中有洲。乃吳芮將梅銷督軍臺也。其水南注于江。唐曹松詩江西題東湖。鑿出江湖思。涼多爽氣閒。無風觸嫩浪。半日到秋山。客袖沙光滿。紅蕙荻影閑。時人見黃綬。應笑狎鷗還。彭汝礪鄱陽集癸未借子中都官文淵節推遊東湖分題和子中湖字韻。泛泛林

永樂大典卷二千二百六十三

七

遠晚。扁舟憶五湖。丹青難作賦。水墨好為圖。龍蟄雲長在。霜寒草自枯。詩翁足幽興。瀟酒在蓬壺。又和子中湖字韻。東湖好子中湖。小徑行幽草。回塘汎杳秋。風波魚自樂。芹藻鴈同游。暇日容携酒。晴天好放舟。夕陽歸旆晚。更向水邊留。又遊東湖。草色蒹葭蘆葦中。蓮花一片萬枝紅。斜陽色妬波心日。細雨香吹水面風。澤國地開金色界。桃源人在水晶宮。扁舟便好如張翰。好在溪邊舊釣筒。番禺志。東湖在餘干縣學之南。安福縣東湖。輿地紀勝。東湖在安福縣東南。水石幽勝。唐趙居士之故居。武陵東湖。武陵圖經。東湖有二。一在武陵縣郡城東。周數里。受白馬湖之派。一在武陵縣城內東南隅。周二里。本官棄地。勢下瀦水。寶慶二年。林農丞岳為置寨。官濬之。填窪。以種荷花。木荷。芙蓉。南以城為堤。北接官道。散布亭榭。縱柝人遊觀。後袁監丞中儒增飾之。月魏鶴山了翁記。鷓山梁陽維抄常。德府東湖記。或作東園。大府寺丞四明林公。以湖北路詳刑使者。治常德府會攝守事。乃寶慶三年之秋。繕城浚隄。得城東廢地為園。與民共之。臨邛魏某嘗被命守是邦。旋以旱戾徙靖。實公所部。明年命記。成事不敢以寡陋辭。東門之衍。藉于侯都。溝封弗戒。歲異月殊。斷潢泉壤。榴翳所於。帝命林公。使節州符。靡微不究。苟盡弗除。溥彼武陵。城郭斷疏。言坯言抹。

相彼閨闈。彼城之隅。有輝其湖。顏為賓佐。風氣之儲。而是隱院。盡辟而略。略址賦文。度財庀徒。自朝宗門。迄西南郭。東西構修。其廣百堵。埤原濬深。別疏沮洳。信偃起仆。披聾發聵。乃基乃堂。攸館攸宇。藪之卉木。沈沈渠渠。為梁十所。可舟其下。吏鄭氏樓。以門其圃。鶯梅為防。以泄以瀦。以流其惡。以戒不虞。公與其屬。于方于卑。跡視滄聽。志明體舒。侯士若民。于曳于妻。節宣勞佚。聲和氣愉。自有宇宙。山川與俱。莫隱乎人。今有昔無。如民止健。火畜弗野。霍然陽開。何天之衢。又如睽孤。或承或孤。遇雨之吉。群陰畢驅。如人心然。所居廣居。所立正位。所發大塗。為問不用。謬速厥初。一日克。我室我廬。不假外求。隨處裕如。下客不佞。記事之餘。請歌唐風。以傲宴娖。其詩曰。無已大康。職思其居。武昌東湖元一統志。東湖在武昌府城東四里。湖上有園。為近城登覽之勝。中州元氣集。李章東湖曲。武昌女兒顏如玉。夜夜抱寒溪上宿。朝來懶上木蘭舟。落日悲歌水蓮曲。袖中忽惹藕絲長。不與行人繫斷腸。情多觸處不稱意。沙頭更見雙鷺鴦。斜風蕭蕭吹雨落。乍寒不管羅衣薄。空將荷葉蓋頭歸。搖指鳳凰山下泊。東起岩東塘。集只說西湖在帝都。武昌新又說東湖。一團烟浪六十里。幾隊寒鷗千百雛。野水迢迢遠去馬。漁舟點點快飛鳥。如何不作錢塘景。要與江城作畫。

永樂大典卷二千二百六十三

園。頃安世梅叢後編。自笑知州百不知。近他池館未曾窺。主人正可今為客。和議初成恰是時。草色茸茸花覆座。波光艷艷酒浮卮。留連枉是憑欄久。洗得當年了事癡。衡州東湖衡陽志。湖在衡州耒陽縣東四里。周回八里。深三大。長沙東湖長沙府志。湖在長沙府相陰縣東。又名澄鮮湖。闊可五里。受潑水江水。入縣江。春夏水漲成湖。通前湖為放生池。唐百家詩。戴叔倫莫春遊長沙東湖贈辛克州果父。湘流分曲浦。絲繞古城東。岸轉千家合。林開一鏡空。人生無事少。心賞幾回同。且復忘鷄犬。悠悠落照中。回環路不盡。歷覽意彌新。古木畬田火。澄江盪槩人。緩歌尋秘浦。一醉送殘春。草恨長沙遠。他年憶此辰。李羣玉詩。三月五日陪裴大夫泛長沙東湖。上已餘風景。芳辰集遠坰。絲舟浮泥蕩。綉轂下娉婷。林樹回蔥蒨。笙歌轉杳冥。湖光迷翡翠。草色醉蜻蜓。鳥弄桐花日。魚翻穀雨萍。從今留勝會。誰看畫蘭亭。荊州東湖郡縣志。東湖在荊州府峽州遠安縣境。元一統志。東湖在公安縣五里。法華寺東北。張商英建傍湖。廣袤數里。時與名賢泛舟遊賞。有東湖賦。賦曰。紛不知吾之所如。芳獨漫漫。而若狂。乘醉飽之餘。力芳。遂涉激而緣岫。惟大冬之果烈。芳。莽川澤之茫茫。農功休乎場圃。芳。平陸散夫牛羊。憫大木之百圍。芳。慘赤立而無。衆鷓

鶴群鳴而下上芳。雜篁竹之青黃。忽平陸之既窮。芳漸積水之汪洋。曰是為齊安之東湖。右派合乎清江。荒灣窳窳而葭葦芳。懸跡曾乎夕陽。為舉網而無獲。嘉魚逝而洋洋。弔村落之柴荆。衣淮夷之陋荒。呼徒侶。吾還歸。陰風振而塵颺。畏星昂之將中。冒玄夜之飛霜。顧謂童子。汝其賦詩。爰有小子。襄然致詞。歌曰。歲窮木落。大澤空。鴈宵征。天北風。苟不飲酒。御玄冬。歸來歸來。樂未終。余曰。汝歌置之。乃歌曰。臨山川。芳懷故鄉。歲窮陰。芳晝不暢。升高堂。芳潔余樽。耿余思。芳古之人。與地記。勝東湖。在鄆州治中。瓊州東湖。瓊州府圖經志。東湖名潭。攬。土語平地。陷。成水為攬。故老相傳。有巨室陷於此。距東二十里。水極深黑。元時大旱。將雨。則湖中有物如柱。直立高十餘丈。須臾倒于水。其聲振撼。後日大雨。湖中稍淺。履。棘柱朽木猶有存。湖上有廟。湖中有銀器。人假借。則具數于狀。以香酒楮錢告廟。焚之。須臾銀器如假之數。浮水而出。用畢。則還之。人以為常。後有奸民假其器。以錫易之。浮水不沉。自是以後。人復假借。器不復出。宋之遺老。在元初時。猶言目擊其事。州縣凡遇旱。則請水于湖。而致禱。既禱。則迓水于湖。以為故事。近年以來。民不知畏。漁于其中。湖水亦淺甚。失舊之所聞矣。湖州東湖。湖州圖經志。韓山之後。有東湖。四山回環。

荷花稱望。湖中有亭。曰湖山。觀曰清暑。曰水月。曰友堂。沿湖而東。珠山麓而升。有樂善堂。小橋寒谷。仙關山閣。此提舉劉景所居也。為東山之勝。今亦廢。欽州東湖。欽州志。東湖南湖。西湖。北湖。各居城外之四隅。惟中湖在城內。陶翁商翁作。寧越佳山水。東湖帶郡城。月天高寺影。春雨小橋聲。石上青蒲合。沙中白鳥橫。又君時獨往。朝載酒。艇行。黎州東湖。輿地紀勝。東湖在黎州郡。圖雅。獨此為稼。方廣十丈。芙蓉萬葦。錦鱗千尾。駕橋其中。狗亭曰喚魚。崇慶東湖。元一統志。東湖在崇慶府湖上。環以脩竹。在通判廳。政和間。有山蘇元老監郡。事頗藻繪。竹蕙之間。暗泉入焉。為渠為流。其行錯綜如織。又其落時。則鳴如佩環。其止也。澄澈如鑑。又有東湖六詠。曰歲寒亭。涵空亭。扶疎亭。碧鮮亭。壁臺。九峯亭。温州東湖。經鉅堂雜志。溫陵東湖。有湖山之勝。劉公君實開濬。水面頗闊。其北則思波亭。南則寶勝院。真佳景也。温州府瑞安縣志。東湖在縣城東門外。一名周湖。白岩橋。水自城中出。木安橋。歷白巖橋外河。流至旣遊橋北。其東岸則入旣遊。崇泰鄉。諸山之水。德豐。東湖。下仙岩。入水。障曰。新功。萬田。石。周。周。丁。田。條。田。東。支。河。之。水。皆。匯。焉。其。西。岸。則。受。集。善。清。泉。鄉。諸。山。之。水。白。門。亭。真。特。真。竹。溪。游。村。金。真。石。新。成。九。里。支。河。之。水。皆。匯。焉。湖。有。

石塘玉帆遊接永嘉縣境林淳詩溫陵東湖次陳休齋體仁韻水調歌頭
瀟灑東湖上夜雨洗清秋朝來塵霧疑望千里興悠悠山色採藍深染
波影青銅新鑄冷翠光浮。簑笠真吾事。柳整釣魚鉤。生中客。凌王謝。更
風流。一觴一詠。豪俊談笑氣吞牛。花月連環長好。到處名園池。遇景且遊
遊。試問陶元亮。底事賦歸休。建康東湖建康志太子東湖在上元縣丹
陽析。太子臺下木橋之東。梁昭明太子植蓮於此。沈存中長興集遊秀州
東湖。柳色青天雨乍晴。鳴頭細草繞堤生。林間野日依依見。水底春光
寸寸明。猶喜亂花時入眼。可能萬事頓忘情。無端景物相料理。屢欲顛狂
興不成。元程編學遊建康東湖分韻得花字。積潦曉雲霽。莫春饒物華。
東綠新蔥蒨。灼灼樓餘花。步遵清湖潯。來憩幽人家。依松坐石磴。談語紛
誼譁。密樹含風煙。枌枝翳相摩。清溪澄肺肝。蒼嶽遙哈呀。歌聲散飄風。鶯
鷓起參差。人主康茲世。塵事若紛拏。持心苟冲寂。萬慮一以化。日落幽意
生。輕枕入煙霞。蔡州東湖祖龍學果題蔡州東湖。夕陽水底霞鋪錦。
清夜波心月湧金。此是東湖最佳處。無人未伴水僊吟。唐李群玉詩東湖
二首。晚景微雨歇。道遶湖上亭。波閒魚弄餌。樹靜鳥遺翎。性野難依俗。
詩玄自入冥。何由遂瀟灑。高枕對雲汀。雨氣消殘暑。蒼蒼月欲升。林間

永樂大典卷二千五百六

十

風捲草。欄下水搖燈。迥野垂銀漢。層巒掛玉繩。重期浮下機。未摘半湖菱。
李紳憶東湖。菱歌罷唱鷓鴣舟。迴雪驚銀鷓。左右未。霞散浦。遠雲錦。截月
臨湖面。鏡波開。魚驚翠羽金鱗躍。蓮脫紅衣紫葯摧。淮口值春偏悵望。數
株臨水。是寒梅。韋莊三堂東湖。滿塘秋水碧粼粼。十畝菱花晚鏡清。影
動新橋橫。蝦蟆。岸鋪芳草。綠鴉。鵲。枝夜。颯。當湖落。嶽。倒。秋。蓮。入。浪。生。何
處最添詩客興。黃昏煙雨。亂蛙聲。劉文房詩東湖送未道人歸。山色湖
光併在東。扁舟歸去有樵風。莫道野人無外事。開田鑿井白雲中。宋蘇東
坡詩吾家蜀江上。江水綠如藍。邇來走塵土。意思殊不堪。况當岐山下。風
物猶可愜。有山先如赭。有水濁如泔。不謂郡城東。數步見湖潭。入門便清
爽。恍如夢西南。泉源從高來。隨波走涵涵。東去觸重阜。盡為湖所貪。但見
蒼石竊。開口吐清甘。借汝腹中過。胡為目眈眈。新荷弄晚涼。輕棹極幽探。
飄飄志遠近。偃息遺佩琴。深潭有魚與龍。淺有螺與蚌。曝晴漫戲雨。戢戢多
於黍。浮沉無停解。倏忽遽滿籃。珠蟻雖強致。噴細安足戲。聞昔周道興。草
鳳棲孤處。飛鳴飲此水。照影弄我鏡。至今多梧桐。合抱如彭聃。殊羽無復
見。上有鷓鴣。嗟子生。堆塊。好古意。所耽。圖書已漫漶。猶復訪僑邦。甚何
詩可繼。此意久已舍。扶風古三輔。政事豈汝諳。聊為湖上飲。一縱醉復談。

永樂大典

卷二二六二

門前遠行客。劫劫無留繫。問胡不回首。無乃赴朝參。予今正疎懶。官長幸見函。不辭日遊再。行恐歲滿三。暮歸仍倒載。鐘鼓已結結。蘇穎濱集不到東湖上。但聞東湖吟。詩詞已清絕。佳景亦可尋。蛇涎蒼石鳩。鳩茅據湖心。倒腹吐流水。奔水注為深。清風蕩微波。渺渺平無音。有覺行在沙。有魚躍在滸。盤圓如新荷。魚細如蠶蟬。梧桐生兩涯。蕭蕭自成林。孫枝復生孫。已中瑟與琴。秋蟲噪烟。春鳥鳴鳩。駕有客來無時。灌足蔭清陰。自忘府中官。取酒石上斟。醉倒卧石上。野蟲上其襟。醒來不知莫。湖月翻黃金。油然上馬去。縱意不自箴。作詩招路人。行樂宜及今。人生不滿百。一瞬何所任。路人掉頭笑。去馬可駭駭。子有不肖弟。有冠木嘗簪。願身化為線。使子為之鍼。子欲烹鯉魚。為子溉釜鬻。子欲枕山石。為子求布衣。異鄉雖云樂。不如反故岑。度田可耕鑿。桑柘可織紵。東有軒棘泉。隱隱如牛溲。西有管轄宅。尚存青石礎。彭女留膝。履禮拜意已欽。慈母抱來子。亂石寒蕭森。朝往莫可還。此豈不足臨。慎勿語他人。此意子獨謀。洪龜父集奉陪方從教。泛水湖。可人一宇宙。十頃降魔鏡。彼美撰清明。令我賞茲勝。荷芰相因依。枝重入魚艇。龍蛇上崢嶸。雨霽靜相映。本木隱蘭若。風中度鐘磬。夏虫語交加。此中有真靜。對此亦何言。妙處心已領。聊復踈去來。日入西峯暝。彭

永樂大典卷二二六二

十一

汝驕鄱陽集。公木李秋。借子中都官。文淵節推子。堅先華。同遊東湖。分題得東字。高山據西南。湖水自南來。中有避漢人。如彼雲中鴻。一日充諸已。百世聞其風。嗟哉今日遊。况有賢者同。李石方舟集。清和氣始交。候火未可熾。雨師偶失職。焰燭使人畏。東湖冷如水。捨此誰止沸。現吻呀不吐。濁泥點枯翠。農田不難料。焦灼慄生意。西南有重屯。百萬方振臂。自今數秋成。一飽儻可冀。蛟龍卧慵懶。朱鳥誇羽翅。吾主老文園。肺渴不自慰。安得挽天河。併為洗兵氣。東湖感事二首。桃李洲中別一春。雪山肯為障紅塵。鬼神半夜應。憐我蠶。幾今朝。不喜人。煙雨晦明。鄉外眼。風霜來去樹邊身。細思只合歸耕好。並舍何由笑我貧。一官職。撒冷秋水。盡日量書接夜燈。老去鬢。鬢無可染。秋來面目自生憎。湖通堰尾。聽泉激。日出山尖見。雲層結。得未除江海客。不忘回首夢。蘇稜。王梅溪家政集。二公亭。插芰荷間。綠蓋紅粧四面環。若把西湖比西子。東湖自合比東山。東湖小飲。微涼散梅潤。濃綠敷桐陰。送客出東郊。駕言事幽尋。湖光照我眼。荷香清我襟。平疇入遠望。歲有其自今。牛眠種已畢。蛤吠苗初深。古亭懷二公。送碧羅千峯。邂逅得良友。欣然契予心。喬松喜客來。風枝出清音。手持荷葉杯。共對蓮花斟。東湖異西湖。有詩不妙吟。知宗遊東湖。用貢院納

涼韻見寄。次韻奉酬。東湖曾一到。想像賀家湖。花似越女好。人知狂客無。知宗寄居會稽。高吟還老手。野趣屬潛夫。歸奏南風曲。薰芳欲和虞。宗老好佳客。同觀郭外湖。融樽常喜雨。參酒不言無。知宗二子侍行。草色懷三徑。松聲憶五夫。州五大。同春村五松得名。公遊更何日。旌至定招虞。史浩鄭峯真隱集。次韻孫季和東湖二詩。出郭乘清興。扁舟一迅風。山光真黛比。水色與天同。宿露班班白。寒楓處處紅。誰知吾勝樂。名冠甬甸東。水挾雙鸞鏡。山環六曲屏。雲端送朝日。木杪見珠星。梅塢春長在。柴門夜不扃。援琴誰寫景。思得與君聽。胡仲亨筆航漫游。兼清源胡仲亨希聖。乍過黃梅雨。湖邊物色饒。水深宜馬浴。藻密礙魚跳。露重荷傾蓋。風高柳折腰。道人勤借問。此地好漁樵。任布裘斯庵集。與毛茶幹。越司法遊東湖。野迥塵襟豁。湖平望眼寬。山蹊新雪潤。木葉半霜乾。歲晚成三友。清遊集四難。樂哉忘爾汝。臭味本芝蘭。湖曉水漸結。江寒煙靄收。喜陪謝公履。疑共李膺舟。醉袖翩翩舉。詞源袞袞流。興酣忘夜獵。不用設罝罃。才島真龍種。官閑似馬曹。班揚趨後勝。李杜漫殘膏。阿閤宜巢鳳。詞林合珍籠。未應久留滯。湖海只詩豪。穎出三十客。今赴萬里程。才高官未稱。詞與筆俱精。珠玉忘形穢。江山共眼明。莫嫌巴蜀遠。揚馬各

永樂大典卷三千三百六十三

文鳴。江湖續集東湖歌。湖光蕩綠春拍塞。百雉之東懸。咫尺五步一亭十步樹。軒窗凌虛臨水湖。露濃晝散花溜紅。煙嫩堤平草連碧。俯窺萍鱗魚上下。仰聽木杪禽格磔。拂拭塵埃讀祖婢。摩挲峯巖憐盧石。中年懷抱多感慨。東西踈九駒。過隙。山林鍾鼎同一盡。可笑世網甘形係。鸞遣吏部真待計。右酒左蟹。艇中拍。明朝風雨那可料。且對湖山醉今夕。沙鷗許我再尋盟。從此時携杖頭。百八。可省。半。石。三。竹。九。篔。篹。梅。聖。於。和。屋。石。詩。云。高。奉。到。山。寺。半。月。虛。殿。擊。鼓。吹。鳴。鐘。知。稼。翁。集。和。汪。端。中。陪。府。君。遊。東。湖。漢。家。虎。重。重。分。銅。鑿。坡。壓。直。金。蓮。紅。海。角。春。慶。頌。大。手。循。良。不。媿。古。人。風。偃。塞。霜。松。鈴。閣。寂。蒙。茸。春。色。圓。扉。空。為。郡。風。流。見。前。輩。源。日。車。蓋。飛。城。東。龍。首。塵。亭。未。泯。滅。騷。人。古。意。無。絲。髮。香。風。十。里。蘇。蒲。外。喜。氣。一。城。樽。俎。中。中原景物久荆林。南渡衣冠隨杖屨。此地龜紋符古識。盛觀略與承平同。商儒謬忝無雙尚。聲價遠懸吾祖重。青衫幕府因奔走。穎有新詩為發露。李方叔濟南集。翠苻弄水時出沒。紫萼沒消凝。晚眺川光接。傲行潦前野。氣空闊。浮寒煙。常思邨客解判艇。直解來槎上青天。又思吾兒能洲湖。豈能奪得鸞頭額。上并却回。復入海。以恐澄海為桑田。許景造野雪行卷。東湖生雙蓮花。守者以為郡齋獻。館賓黃雲夫有詩。述其事。應史君。舊和。且

以見示。琳次韻。王業本根在幽岐。郡國千萬分柯枝。使君駟馬一馬馳。三台瑞應天為之。視吏與臺民如子。不煩頌指而氣使。於齋宴坐揚仁風。披拂東湖花十里。六月為霖報政成。山光水容朝暮新。春王淘珠登早穡。此隣果是華胥國。事見州子米蓮游艇獻駢芳。蜀客作歌紀其祥。轉而上聞君相喜。佇待朱歸政事堂。陸游渭南集。秋日懷東湖二首。小閣東頭。卷畫池。秋來長是憶幽期。身如菓鶯臨歸日。心似堂僧欲動時。病思齋懷。惟付酒。西風落日更催詩。故知歲暮常多感。不獨當年宋玉悲。卷畫池。邊小釣磯。垂竿幾度到斜暉。青蘋葉動知魚過。未闕蘆花看燕歸。歲晚官身空自閱。途窮世事巧相違。遂州客少已歌隨。誰與愁城畧解圍。易士達詩遊東湖。好是東湖近物華。微吟去路亦何賒。兩堤柳影澹臺墓。十里荷香孺子家。淡淡煙籠僧寺靜。飄飄風颭酒旗斜。重來倚徙閑干久。天末殘陽噪暮鴉。黃裳演山集。次趙少思東湖見寄。為愛江湖夢也尋。有泉來處亂雲深。鑿開澄澈是天界。激起潺湲非世音。鴻雁渚幽山兩足。芙蓉堂冷水中心。花時月夜扁舟興。相約公餘一醉吟。次齊守巖老見示東湖之韻。近將餘事作東湖。公外閑來物外居。蓮吐花時看晉社。桃隨流處得秦漁。放懷抱酒須尋友。適性垂綸豈問魚。報我故人三樂意。琴珉新

刻石軍書。月華西下日華東。閃閃湖光渺渺中。天地會通銀色界。亭臺環合水晶宮。披襟望處清生白。穿徑遊時翠引紅。自許此生心已了。湖山猶稱道家風。曾文清公集。寒食與客遊東湖。官曹頽然滿塵埃。負郭陂湖眼為開。春色少留如過客。賞心多病只寒灰。黃童白叟喜相告。皂蓋朱幡能一來。日暮遊人歸去盡。沙頭鷗鷺與徘徊。郭功父詩。東湖北澗水相通。十里荷花半白紅。冷艷已能消酷暑。暗香時復散清風。欲眠別浦拋漁艇。且倚疎欄學釣翁。雲起仙庭飛晚雨。洒然身世出塵籠。僧子騰和。感自外題東湖。涵空清淺。吹寒蕪。策杖吟看立一隅。題去便誇堪澤國。畫來全恐甲州圖。搖風菡萏明秋岸。戲水鴛鴦入晚蒲。倚棹漁歌偏好聽。不驚波浪勝重湖。項安世。悔蒙後編。次州仲方東湖送別韻。祇知白下棠花白。不記湖邊草色青。帶醉樓臺籠戍柳。荒荒苔蘚畫遊舸。重來老子慚無恨。佯卧尊前醉不醒。投曉張帆順風去。怕遭民吏笑明廷。李直講文集。古郡城池已瞰江。重湖更在郡東方。水仙座下魚鱗赤。龍女門前橘樹香。絕塵埃。非酒掃地無風雨。亦清涼。使君待客多娛樂。只有醒時覺異鄉。晴煙暮靄滄湖光。勢勝居然占一方。拂水萬絲楊柳弱。倚風千蓋芡荷香。縱遊湖上蘭舟穩。半醉狂眠石席涼。公退每來須度日。却疑身出利名鄉。

程公許滄洲塵岳編。倅教授。判官皆為東湖有賦。次韻。連運三徑帶重
湖。心眼經營念厥初。問俗只須無事治。傳工適際有年書。雪壯趁急散花
柳。春到隨宜辨米蔬。最喜城隅使未往。不嫌舟走費臺輿。交情那得兩
監州。米蕖依運總俊遊。水寒霜明相並照。渭清涇濁豈同流。號堂擬把新
題和。錦里還思故事脩。荷蕩花溪總幽絕。賸須栽竹奈霜秋。又正之二
十八日。息小齋。頌數客過東湖。若水有賦為次韻。積雨曠成寒料峭。漫
遊稍覺意清真。蕤雲妬日吞運吐。弱柳含煙巧鬪新。簪履招呼參楚蜀。青
蔬釘鉅雜冬春。却嫌車從妨佳趣。那得臨流羊白輪。裘絮齋持雨中度東
湖。宿靄埋山木肯收。晚風吹雨濕衣裘。漁舸一葉煙波裏。添我胸中萬
斛愁。又十月望東湖五首。泓澄萬頃浸水輪。千尺鷲看玉塔新。滿目
輝光相照耀。乾坤何處不精神。天上金波印水心。心中波浪亦成金。小
舟蕩漾金波裏。陡覺廣寒宮殿深。世故紛紛換白頭。何如良夜一扁舟。
霜風拂面心神肅。塵慮寧容一髮留。五十頹然一秃翁。湖山清興渺無
窮。扁舟欲學鳴榔子。未有平吳伯越功。世上功名姑置之。做花心事要
深思。水光月色精神好。長使襟懷似此時。又二首。重疊疊嶂巧繁迂。
中有汪汪萬頃湖。山色水光相映發。清輝含處妙難模。平生酷愛水浮

永樂大典卷三十三頁十三

十四

春母到東湖意豁然。要識此湖功利傳。早時無限蔭民田。葛元承詩秋日
東湖。荻花風裏桂花浮。萬竹生雲翠欲流。誰拂半湖新鏡面。飛來煙雨
暮天愁。初靈舒詩東湖行。湖水添時宿雨晴。野禽無處不春聲。萬株楊
柳青如昨。全光水風染得成。趙蕃詩是日復遊東湖題廬石。雲中不改
蒼蒼色。春後寧同淮淮姿。欲為渠僕下轉語。筆無湖力強題詩。黃裳詩共
解蘭省作諸侯。吏領東蕃第一州。萬事了時尋好景。兩峒盤處得寒流。董
霜傑先生集東湖晚步。九衢塵土暗秋容。頗覺青山負眼中。湖上晚來
聊散策。慙慙味謝芰荷風。合眼幾成湖上夢。孤今秋色杖藜中。賦詩安得
如元亮。報答玻璃十頃風。張澹濱東湖湯餅後進翁長墓。飲高占踏雨冰
蹄。在行相繼爲和蘭亭集。獻之樂無半語。果人情邪。諸老襟期三十年。
看花杖屨又樓禪。春風不斷斯文意。強拂衣冠著一邊。漢橋三日雨輕
道。歸影蒼涼雨奈何。詩落印山松栢後。相看有媿少陵多。張舜民畫墁集
東湖晚眺。白鷺雙飛過女牆。而行高柳正斜陽。荷花滿眼都無主。闌裏
風飄入袖香。古今詩統東湖晚步。城裏北風連夜號。平湖捲綠上枯濠。
不知江水長。少橋尾過城三丈高。如畫舟燭湖先生集泛東湖風浪作後
止。萬頃重湖未使水。意行得拍打頭風。故畦遺穗散秋在。野水寒林雁

永樂大典

卷二二六二

處通。鴻鴈汀洲。鈔葦葦。牛羊華落見兒童。水冠塵土空頭白。慚愧向舟把
釣翁。程公許滄洲。塵去編李貳車約飲東湖。西湖繞過又東湖。水夜論
丈酒淺斟。最愛霜林梅蘼水。擬博小艇訪林逋。江湖續集東湖即事。醉
扶吟策倚西風。欲泝湖光久短蓬。一段秋容堪畫處。敗荷衰柳夕陽中。柳
安道詩。平波數頃萬山前。一片丹青畫不全。幽榭小軒橫翠水。茂林修竹
鎖輕煙。王元粹詩。東湖。為客東湖好。頻來湖上遊。坐時惟藉草。行處不
驚鷗。日落烟光暎。風高木葉秋。偶逢漁牧語。且復少淹留。元石良翰節齋
吟。東湖席上呈史藥房。新荷匝水柳疎疎。四望青山川畫圖。絃管詩
成人醉後。東湖髣髴似西湖。又立秋日東湖呈諸公。柳營此日正驅
劉。未賞東湖萬頃秋。雲錦一機呈霽色。水楓葉下試清謳。王景初蘭軒集
東湖感事。手栽桃李盡成陰。碧沼流泉日已深。狼籍東風舊臺榭。行人
誰有故侯心。主人當日重繁華。不惜黃金貴買花。十載東風成一夢。覺
來春色是誰家。三十年來種松栢。一朝斤斧盡須臾。霜枝雪幹空無數。
不及甘棠只一林。碧雲冉冉日將暮。芳草萋萋人未還。感興詩成誰會
得。晚風搖動水中山。楊仲弘東湖四景。為大尹王本齋王侯賦。朝來十
騎出城闌。為向東湖踏早春。素練暮林雲氣薄。明珠穿草露華新。山花獻

永樂大典卷二二六二頁五

五

笑開煙岬。海鳥忘機。故水瀆。記取當年賢太守。及時為樂與斯民。夏月
湖中爽氣多。南風帶暑捲長波。漁人舟楫衝蘋藻。遊女衣裳擊芰荷。綠
歌絲管美味。腔薄金縷換新歌。使君用意仍深遠。即此光華豈感磨。楚
停麾蓋擁輕舟。此日湖山為夏秋。采采黃花登几案。離離紅樹散汀洲。傾
壺浮蟻杯頻竭。下箸鮮鱗網乍收。莫向錢塘誇往事。白蘇未許擅風流。
雲氣低蔽十萬家。東湖飛雪入文仙。玉禾舊布仙山種。瓊樹新開帝所花。
別浦移舟聞過鴈。高樓凭檻見歸鴉。侯門似有相如客。賸賦篇章與世誇。元
遺山東湖次及之韻。西山山頭山月白。倒影連漪舞寒碧。竹溪花鳥要
君詩。醉墨幾番枯研滴。東湖佳處詩已盡。橋首不知川路隔。當年韓貫俱
辭伯。物色分留到佳客。此州何必減蘇州。頗有詩人來列職。一時人境偶
相值。萬古風流餘此席。三堂風月今猶昔。擬拂塵纓問校跡。因君寄謝使
君公。却恐他年厭求索。張子淵破寺依山杪。平湖逸四圍。霜風吹客鬢。水
氣濕人衣。漁村鳴榔急。吟蓬載酒歸。晚來閑物色。坐覽歲華非。送王正
卿歸隱東湖。分題得釣石。蒼巖鑄我我滄波。靚涓涓。水山蕙靈秀。人物
儲清妍。步尋釣石履撫跡。心油然。連日登崖竚。窮富變林泉。未論磻溪高
尚友。羊裘賢。江海多風蠶。共濟政滔天。抱懷砥柱安。容然思自全。嗜此水

山嘉。盤遊送流年。坐拂石上雲。永瀟清風前。劉仁本二首。一帶山如畫。水連百頃湖。水腥龍吐氣。月瑩蚌含珠。吹漚浮香稻。漚波洗短蒲。漁人撐小艇。來往疾如鳧。倚杖東湖上。行人鷓鴣邊。幾番風雨度。一曲水雲連。勝槩多山寺。青腰賸稻田。芙蓉涵倒影。蕩漾採菱船。國朝楊基有庵某東湖晚眺。鷓鴣沒岸如無。涼多柳易枯。玉神神廟靜。兵語驛亭孤。日落霞明渚。虹收雨暗湖。此時蓬底望。日盡是木吳。步是閑詩劉習之外舅。安撫遊東湖一聯云。潤衣紅濕池荷雨。拂面清涼檻竹風。即席命足成之。庚伏人間暑氣隆。納涼留客詠詩翁。湖水紅濕池荷雨。拂面清涼檻竹風。沙觜金痕平不露。野灣新漲曲相通。畫枕滄月人歸處。萬蓋翻翻湧翠筍。黃裳淡山集蝶戀花。南北兩山騎欲闕。中有遊騎莫道湖山小。落落情懷臨深渺。駕言來處鈴齊悄。行到桃溪花解笑。人面相逢。競好窺寒照。醉步款斜西日少。歡聲猶唱多情調。高下亭臺山水鏡。兩岸清輝中有垂楊徑。鶯燕前汀供畫景。花來流水傳春信。不醉無歸先說定。醉待言歸又被風吹醒。月下壘天遊未盡。廣寒宮是波中影。看有晴虛寒漫漫。放下塵勞相共遊銀漢。便入醉鄉休浩歎。神仙只在雲門館。飲興偏宜流水畔。時有紅蕖落在黃金盞。鶯水忘機移別岸。畫舫更上前汀看。水鏡中有

永樂大典卷二千二百六十二

猶未老。乘興拏舟更向湘江過。俯仰太虛一箇。九春風思誰吟到。閉上釣臺雲外坐。侍得金鱗始放芳樽倒。醉後言歸猶更早。素纖有數君須道。劉須溪詩金縷。和龔竹鄉。韻東湖客中。何處從頭說。但尊淋漓醉墨。疎疎密密看取兩輪東西者。也是樊籠中物。這光景年來都別。白髮道人隆中像。壁間有武侯像。亦中生對。笑相逢。對推爐邊雪。又過了上元節。紙寬旋補寒穿穴。柳粘窻青青過雨。勤君休折。睡不成。酣酒先醒花底東風又別。夜復夜吟魂飛越。典却西湖東湖。住十三年不出。今朝出容易得二三月。辛稼軒詞滿庭芳遊東湖。柳外尋春花前倚句。惟公喜氣軒眉。陽春白雪清唱古今稀。曾是金鑿舊客記。鳳凰獨逸天池。揮毫罷。天顏有喜。催賜尚方券。公在詞林尚存尚方寶華之賜。只今江海上。釣天夢覺清淚如絲。算除非痛把酒療花治。明日五湖佳興扁舟去。一笑誰知。溪堂好。且拚一醉。倚杖讀韓碑。公記公所製。

永樂大典卷之二千二百六十二